

ODLUKU
o izvršenju Budžeta Općine Lukavac za 2022. godinu

I OPĆE ODREDBE

Član 1.

Ovom Odlukom uređuje se način izvršenja Budžeta Općine Lukavac za 2022. godinu (u daljem tekstu: "Budžet"), upravljanje prihodima i primicima, rashodima i izdacima, prioriteti plaćanja, zaduživanje Budžeta, prava i obaveze korisnika budžetskih sredstava, te druga pitanja u izvršavanju Budžeta.

Član 2.

Budžet se sastoji od općeg i posebnog dijela i kapitalnog budžeta.

Opći dio Budžeta čine prihodi i primici, rashodi i izdaci.

Prihode čine porezni i neporezni prihodi.

Primitke čine prilivi od: prodaje imovine, finansiranja i zaduživanja.

Rashode čine: plaće i naknade zaposlenih, izdaci za materijal i usluge, tekući i kapitalni transferi i troškovi kamata.

Izdatke čine izdaci za: kapitalne investicije, nabavku stalnih sredstava, finansijsku imovinu i za otplatu duga.

Posebni dio Budžeta čine plan rashoda i izdataka budžetskih korisnika, iskazanih po vrstama i raspoređenih u tekuće izdatke i kapitalne investicije.

Kapitalni budžet čine izdvajanja za kapitalne investicije po godinama i izvorima finansiranja.

Član 3.

Budžet općine Lukavac za 2022. godinu je akt kojim se planiraju prihodi i primici, te rashodi i izdaci općine za fiskalnu 2022.godinu.

Član 4.

Budžet se donosi i važi za fiskalnu 2022.godinu (u daljem tekstu: „fiskalna godina“). Fiskalna godina počinje 1. januara, a završava 31. decembra 2022.godine.

Član 5.

Budžetski korisnici su:

- Službe za upravu, Stručne Službe i posebna Služba interne revizije,
- Općinsko vijeće,
- Općinsko Pravobranilaštvo.

Isti su definisani u okviru razdjela 10, Registra budžetskih korisnika.

Član 6.

Svi rashodi i izdaci moraju biti utvrđeni u Budžetu i uravnoteženi s prihodima i primicima.

Ako se u toku budžetske godine zbog nastanka novih obaveza za Budžet ili promjena privrednih kretanja povećaju rashodi ili izdaci, odnosno smanje prihodi ili primici Budžeta, Općinski načelnik

1* Ovaj tehnički prečišćeni tekst sadrži osnovni tekst Odluke o izvršenju budžeta općine Lukavac za 2022.godinu ("Službeni glasnik Općine Lukavac", broj 2/22) i Odluke o izmjeni i dopuni odluke o izvršenju budžeta općine Lukavac za 2022.godinu ("Službeni glasnik Grada Lukavac", broj 3/22).

Tehnički prečišćeni tekst se koristi samo za internu upotrebu i u Odlukama se može pozivati samo na odredbe usvojene Odluke o izvršenju budžeta općine Lukavac za 2022.godinu, a ne tehnički prečišćeni tekst.

može, na prijedlog Službe za budžet i finansije, donijeti Odluku o obustavljanju izvršenja pojedinih rashoda ili izdataka u trajanju do 45 dana.

Ako se za vrijeme provođenja mjera privremene obustave izvršenja Budžeta, Budžet ne može uravnotežiti, vrše se Izmjene i dopune Budžeta.

Izmjene i dopune Budžeta vrše se po istom postupku koji se primjenjuje kod donošenja Budžeta. Izmjene i dopune Budžeta dostavljaju se Općinskom vijeću na razmatranje.

Član 7.

Priliv sredstava u Budžetu koji se realizuje tokom godine, a koja imaju namjenski karakter, evidentirat će se u prihodima Budžeta po namjeni i vrsti.

Ukoliko su namjenski prihodi i primici uplaćeni u iznosu manjem od planiranog u Budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.

Uplaćene ili prenesene, a manje planirane, pomoći, donacije i prihodi za posebne namjene, mogu se izvršavati iznad iznosa planiranih u Budžetu a do visine uplaćenih, odnosno prenesenih sredstava prema odlukama Općinskog načelnika a na prijedlog budžetskog korisnika.

Samo naplaćeni prihodi u fiskalnoj godini su prihodi te godine.

II IZVRŠAVANJE BUDŽETA

Član 8.

Sredstva Budžeta osiguravaju se budžetskim korisnicima koji su u posebnom dijelu Budžeta određeni za nosioce sredstava na pojedinim pozicijama.

Budžetski korisnici, sredstva koriste samo za namjene koje su određene Budžetom i to do visine utvrđene u njegovom Posebnom dijelu.

Član 9.

Budžet se izvršava u skladu sa ostvarenim prihodima, po principu likvidnosti.

Prioriteti u izvršenju Budžeta su:

- servisiranje kredita i kamata,
- sudska izvršenja u skladu sa članom 137 i 138 Zakona o izvršnom postupku („Službene novine Federacije BiH“, broj 32/03,52/03,33/06,39/06,39/09,35/12 i 46/16),
- tekući izdaci za bruto plaće i naknade plaća zaposlenih, naknade troškova zaposlenicima budžetskih korisnika iz člana 5. ove Odluke,
- naknade vijećnicima za rad u Općinskom Vijeću,
- izdaci za materijal, usluge i radove,
- transfer mjesnim zajednicama,
- transfer javnim ustanovama iz člana 28. ove Odluke,
- ostalo.

Član 10.

Korisnici Budžeta su obavezni pridržavati se planiranih iznosa utvrđenih po pojedinim pozicijama u Budžetu.

Realizacija sredstava iz stava 1. ovog člana vršit će se na osnovu operativnih planova odobrenih od strane Općinskog načelnika, a sačinjenih od nadležne Službe - budžetskog korisnika, u formi i u odnosu na instrukciju koju definiše Služba za budžet i finansije.

Budžetski korisnici dostavljaju prijedloge godišnjih, kvartalnih i mjesečnih operativnih planova u skladu sa instrukcijom Službe za budžetom i finansije.

Instrukciju za izradu prijedloga operativnog plana definiše Služba za budžet i finansije do sredine mjeseca, a za naredni mjesec.

Budžetski korisnik dostavlja operativni plan Službi za budžet i finansije najkasnije do dvadeset petog dana u mjesecu, za naredni mjesec.

Operativni plan se odobrava krajem mjeseca za naredni mjesec.

Istom dinamikom se definišu i kvartalni planovi.

Član 11.

Tekući izdaci za budžetske korisnike će se izvršavati u skladu sa prilivom sredstava, prenosom sredstava na račune korisnika otvorene u skladu sa zakonom i drugim općim aktima po prioritetima iz člana 9. ove Odluke.

Po podmirenju prioriteta iz člana 9. ove Odluke, ostatak sredstava raspoređivat će se, u pravilu, srazmjerno prilivu sredstava, na ostale korisnike sredstava.

Iznimno, zbog nedostatka priliva sredstava u Budžet, Općinski načelnik može izmijeniti dinamiku doznake sredstava pojedinim korisnicima, ne narušavajući pri tome prioritete utvrđene, članom 9 ove Odluke.

Zatečena sredstva iz prethodne godine na računima korišćice se kao izvor za tekuću budžetsku godinu, a mogu se realizovati za nove programe, izmirenje tekućih obaveza kao i za obaveze iz ranijeg perioda.

Član 12.

Postupak nabavke roba, radova, stalnih sredstava i vršenja usluga vršit će se u skladu sa Zakonom o javnim nabavkama, izuzev pozicija za koje se ne provodi postupak javne nabavke a iste će se izvršavati odlukom budžetskog korisnika uz saglasnost općinskog načelnika (nabavke koje su izuzete od primjene Zakona o javnim nabavkama)

Pozicije u okviru ekonomskih kodova 613000, planirane u okviru budžetskih korisnika, za koje se ne provodi postupak javne nabavke, raspoređivat će se odlukom budžetskog korisnika uz saglasnost Općinskog načelnika, a rješenjem budžetskog korisnika uz saglasnost Općinskog načelnika u slučaju isplate naknada za rad u komisijama.

Član 13.

Budžetski korisnici odgovorni su za potpunu i pravovremenu naplatu svih prihoda i primitaka iz svoje nadležnosti. Budžetski korisnik je dužan provesti sve zakonom propisane radnje radi naplate potraživanja. Za nenaplativa potraživanja Općinski načelnik, na obrazloženi prijedlog budžetskog korisnika, može predložiti Općinskom vijeću na usvajanje Odluku o otpisu potraživanja.

Prihodi koje svojom djelatnošću ostvare budžetski korisnici sastavni su dio računa prihoda i uplaćuju se na jedinstveni račun trezora, tj. depozitni račun Općine Lukavac..

Budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima, efikasno i uspješno funkcionisanje sistema finansijskog upravljanja i kontrolu u okviru Budžetom utvrđenih sredstava.

Budžetski korisnici odgovorni su za izvršavanje svih rashoda i izdataka u skladu sa namjenama.

Za svako izvršavanje pozicija budžetski korisnik obezbjeđuje knjigovodstvenu ispravu (fakture, rješenja, odluke i dr), a odgovorno lice budžetskog korisnika, prije potpisivanja knjigovodstvene isprave, dužno je provjeriti pravni osnov i visinu obaveza u punom iznosu koja iz nje proizilazi. Interni dokument budžetskog korisnika kojim se stvara obaveza (odluka, rješenje ili druga knjigovodstvena isprava), pored ostalih bitnih elemenata obavezno sadrži ekonomski kod iz

posebnog dijela budžeta, kao i račun korisnika budžetskih sredstava na koji se budžetska sredstva doznačavaju.

Dokumenta iz prethodnog stava potpisuje odgovorno lice budžetskog korisnika, kao **nosilac** aktivnosti, a odgovorno lice Službe za budžet i finansije potpisom potvrđuje usklađenost sa Operativnim planom i Budžetom u smislu raspoloživih izvora i utvrđenih ekonomskih kodova za pojedine programe.

Član 14.

Neurošena sredstva zatečena na računima na dan 31.12.2021.godine čija je namjena utvrđena Zakonom o zaštiti i spašavanju ljudi i materijalnih dobara od prirodnih i drugih nesreća, kao i naknada za izgradnju i održavanje javnih skloništa, koristiće se kao izvor za tekuću budžetsku godinu.

Član 15.

Općinski načelnik, na prijedlog budžetskog korisnika, može donijeti Odluku o preraspodjeli rashoda i izdataka u okviru ukupnog iznosa odobrenog za budžetskog korisnika, najviše do 10% ukupno odobrenih rashoda i izdataka za budžetskog korisnika.

Općinski načelnik iznimno može odobriti preraspodjelu sredstava, u okviru odobrenog Budžeta između budžetskih korisnika o čemu je dužan obavijestiti Općinsko vijeće kroz redovno izvještavanje.

Član 16.

Korisnici doznačenih transfera dužni su dostaviti nadležnom budžetskom korisniku Izvještaj o namjenskom utrošku sredstava.

Izvještaj o utrošku sredstava korisnici dostavljaju budžetskom korisniku u okviru kojeg su predmetna sredstva planirana, u skladu sa usvojenom metodologijom „Lokalne demokratije“ (u daljem tekstu LOD), i usvojenim pravilnicima, u formi čiji oblik i sadržaj utvrđuje nadležni budžetski korisnik.

Korisnici koji ne dostave izvještaj o namjenskom utrošku sredstava, neće imati pravo na dalju dodjelu sredstava ukoliko nadležnoj Službi ne dostave cjeloviti izvještaj u skladu sa pravilnicima iz prethodnog stava.

Ukoliko se upućuje zahtjev za novu isplatu prije utroška ranije odobrenih sredstava, isplata se može vršiti uz pismeno izjašnjenje korisnika transfera, odluke budžetskog korisnika i odobrenja Općinskog načelnika.

Član 17.

Sredstva utvrđena na poziciji „Bruto plate i naknade“, „Naknade troškova zaposlenima“ i „Doprinosi poslodavca“, izvršavat će se na osnovu zakonskih propisa koji regulišu odgovarajuću oblast.

Osnovica za obračun plata uposlenika u Jedinostvenom općinskom organu uprave Općine Lukavac za 2022 godinu, utvrđuje se u visini od 330,00 KM i vrijednošću boda 1,16 kao gornji prag vrijednosti, a u skladu sa Sporazumom između Općinskog načelnika i Sindikalne organizacije državnih službenika i namještenika (Sindikalna organizacija) Općine Lukavac.

Općinski načelnik može u pregovorima sa Sindikalnom organizacijom utvrditi i drugu vrijednost boda, ukoliko bude mogućnosti u Budžetu.

Član 18.

Sredstva utvrđena u Budžetu na odgovarajućim analitičkim pozicijama izdataka za materijal i usluge, izvršavat će se direktnim plaćanjima sa transakcijskog računa i računa za posebne namjene Općine i na druge načine u skladu sa propisima o finansijskom poslovanju.

Član 19.

Sredstva u okviru potrošačkih jedinica 01, 02, 03, 04, 05, 06, 07, 08, 09, 10 i 11 pozicija "Naknada za povrat više uplaćenih, pogrešno uplaćenih sredstava" izvršavat će se na osnovu pojedinačnih odluka budžetskog korisnika uz saglasnost Općinskog načelnika. Pravni osnov za stvaranje obaveze po navedenom osnovu može biti rješenje, zaključak ili druga vjerodostojna isprava.

Član 20.

Sredstva u okviru potrošačke jedinice 01 pozicije:

- "Naknade vijećnicima za rad u Vijeću",
 - "Naknade komisijama i drugim tijelima Općinskog vijeća",
 - „Naknada komisiji za procjenu vrijednosti nepokretnosti i prava“,
 - „Naknada izbornoj komisiji“,
 - "Transferi parlamentarnim grupama u OV",
 - „Transfer za opće i lokalne izbore“,
- izvršavat će se pojedinačnim odlukama budžetskog korisnika, uz saglasnost Općinskog načelnika.

Pravni osnov za isplatu sredstava na teret potrošačke jedinice **01** je sledeći:

Sredstva iz alineje 1 i 2 će se isplaćivati na osnovu Odluke Općinskog vijeća ("Sl.glasnik Općine Lukavac" br: 5/01, 6/05, 1/10 i 1/13).

Sredstva iz alineje 3 će se isplaćivati na temelju odluke koju je donio Općinski načelnik.

Sredstva iz alineje 4 će se isplaćivati na temelju člana 1. stav (2) tačka c i člana 2. stav (2) tačka c, Odluke Centralne izborne komisije BiH, o visini naknade za rad članova Izborne komisije osnovne izborne jedinice - Prečišćeni tekst ("Sl.glasnik BiH" br: 32/16).

Sredstva iz alineje 5, raspoređivat će se na osnovu Zakona o finansiranju političkih partija ("Sl.glasnik BiH" br.95/12 i 41/16).

Sredstva u okviru alineje 6 će se isplaćivati na temelju člana 1.2 a "Izbornog zakona BiH (Sl.novine FBiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 3/16 i 41/20) i zahtjeva dostavljenog budžetskom korisniku.

Član 21.

Sredstva u okviru potrošačke jedinice 03, pozicije:

- „Memorandumi, sporazumi sa humanitarnim, vladinim i nevladinim organizacijama, ostalim partnerima i slično“ i „Članarina Saveza općina i gradova Federacije BiH“,
- izvršavat će se odlukom budžetskog korisnika, uz saglasnost Općinskog načelnika.

Član 22.

Sredstva u okviru potrošačke jedinice 05, pozicije:

- „Sportski savez i ostali značajni klubovi“
- „Fudbalski savez općine Lukavac“,
- „Memorijalni turniri“,
- „Savez za sport i rekreaciju osoba sa invaliditetom“,
- "FK "Radnički" Lukavac i **izmirenje obaveza prema JP RAD**",
- „Transfere ostalim značajnim klubovima“,
- „Javni poziv u oblasti sporta“,
- „Projekti u oblasti sporta“,
- „SKISO Sinovi Bosne Lukavac“,
- „Troškovi iznajmljivanja dvorane, bazena i ljekarski pregledi sportista“,
- „Sanacija krova sportske dvorane“

izvršavat će se pojedinačnim odlukama budžetskog korisnika, uz saglasnost Općinskog načelnika.

Alineje 1, 2, 4, 5, 6, 9, 10 i 11 realizuju se podnošenjem zahtjeva nadležnoj Službi.

Dio sredstava namijenjenih za sportske klubove iz alineje 1 i 4 doznačavat će se krajnjim korisnicima putem javnog poziva u skladu sa odredbama propisanim Strategijom razvoja sporta općine Lukavac 2022-2027.

Alineja 3 realizuje se putem projekata.

Sredstva za aktivnosti iz alineje 7 doznačavat će se krajnjim korisnicima putem javnog poziva, a na osnovu usvojenog Pravilnika o kriterijima načinu raspodjele sredstava za programe i projekte iz oblasti sporta koji se finansiraju ili sufinansiraju sredstvima Budžeta općine Lukavac po principima LOD metodologije.

Sredstva za aktivnosti iz alineje 8. doznačavat će se krajnjim korisnicima putem javnog poziva, a na osnovu **važećeg Pravilnika**.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 23.

Sredstva u okviru potrošačke jedinice 05, pozicije:

- „Podrška KUD-ovima i javnim ustanovama u oblasti kulture“,
- „Projekti za nevladin sektor, mjesne zajednice i javne ustanove“,
- „Organizacija dana lokalne zajednice i druge manifestacije“,
- „Memorijali koji se obilježavaju putem javnih ustanova“,
- „Javni poziv za projekte Organizacije civilnog društva (u daljem tekstu OCD)“,
- „Ostali projekti u oblasti kulture“

izvršavat će se na osnovu javnog poziva pojedinačnim odlukama budžetskog korisnika, uz saglasnost Općinskog načelnika.

Sredstva će se doznačavati krajnjim korisnicima na prijedlog nadležne Službe, a na osnovu **važećih** Pravilnika i **drugih akata**.

Sredstva za organizaciju dana **lokalne zajednice i druge manifestacije** će se izvršavat na **osnovu** zahtjeva javnih ustanova i **drugih lica**, posebnom odlukom budžetskog korisnika, uz saglasnost Općinskog načelnika.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 24.

Sredstva u okviru potrošačke jedinice 05, pozicija "Stipendije studentima, učenicima i uspješnim sportistima" rasporedit će se na korisnike u skladu sa posebnim kriterijima, kao i po raspisanom pozivu – konkursu koji raspisuje Općinski načelnik. Visina stipendija se utvrđuje putem Općinskog vijeća, a broj korisnika će biti odrediv u skladu sa visinom planiranih sredstava.

Sredstva se raspoređuju pojedinačnim odlukama budžetskog korisnika, uz saglasnost Općinskog načelnika.

Sredstva u okviru potrošačke jedinice 05, pozicije:

- "Nagrade uspješnim učenicima i nastavnom osoblju",
 - „Stipendije i nabavka udžbenika i školskog pribora i druge edukacije za učenike romske populacije“,
 - „Podrška povratku prognanih osoba **kroz** stipendiranje učenika i studenata i sl“,
 - „Subvencioniranje mjesečnih karata učenicima iz socijalno ugroženih kategorija“,
- rasporedit će se pojedinačnim odlukama budžetskog korisnika, uz saglasnost Općinskog načelnika, a na osnovu raspisanog javnog konkursa.

Broj stipendija, iznos sredstava za nabavku udžbenika i školskog pribora utvrđuje Općinski načelnik, u skladu sa visinom planiranih i raspoloživih sredstava.

Član 25.

Sredstva u okviru potrošačke jedinice 05, pozicija "Podrška pri odbrani doktorske disertacije" **po javnom pozivu** rasporedit će se odlukom budžetskog korisnika, uz saglasnost Općinskog načelnika.

Sredstva se dodjeljuju krajnjim korisnicima putem javnog poziva u skladu sa posebnim kriterijima.

Član 26.

Sredstva u okviru potrošačke jedinice 05, pozicija "Sredstva za obezbjeđenje učesnika NOR-a" isplaćivat će se u skladu sa odlukom budžetskog korisnika uz saglasnost Općinskog načelnika.

Član 27.

Sredstva u okviru potrošačke jedinice 05, pozicija:

- "Transfer za socijalne pomoći",

- "Socijalne pomoći pojedincima u stanju potrebe",
- "Prevenција protiv teških bolesti, liječenje i osiguranje neosiguranih lica, ostale intervencije u vezi sa liječenjem, **troškovi dženaze/sahrane**",
- „Projekti prevencije maloljetničkog prestupništva“, izvršavat će se pojedinačnim odlukama budžetskog korisnika, uz saglasnost Općinskog načelnika. Sredstva za aktivnosti iz alineje 1, 3 i 4 doznačavat će se Javnoj ustanovi Centar za socijalni rad, izuzev "liječenja i osiguranja neosiguranih lica i ostalih intervencija u vezi sa liječenjem. Sredstva za aktivnosti iz alineje 2 realizovat će se putem zahtjeva a u skladu sa Pravilnikom. Sredstva će se doznačavati u skladu sa prilivom sredstava u budžetu, uz podnešenje izvještaja o prethodno utrošenim sredstvima.

Član 28 .

Sredstva u okviru potrošačke jedinice 05, pozicije:

- „HO Merhamet MDD“,
- „Dječije selo mira Turija“,
- „Centar za rehabilitaciju ovisnika o psihoaktivnim supstancama - Izvor Smoluća“,
- „Crveni križ Lukavac“,
- UG „Mali svijet **Lukavac**“,
- UG „Vive žene za sufinansiranje rada sigurne kuće“,
- „Pomoć socijalno ugroženim putem udruženja“,
- „Dobrovoljna vatrogasna društva i društva za spašavanje“,
- „Zaštita akumulacije jezera Modrac i prirodnog priraštaja ribljeg fonda i sl.“,
- „Tekući transfer za oblast nauke i izdavačku djelatnost“
- „Podrška uduženju poslodavaca općine Lukavac“
- „Podrška udruženju penzionera općine Lukavac“,
- „Podrška udruženjima osoba sa invaliditetom“,
- „Transfer za pomoć sindikalnim organizacijama“,
- „Učešće u organizaciji međunarodnog sajma turizma i ekologije“,
- „Subvencija porodicama sa troje i više djece,
- „Promocija općine **na sajmovima** i drugim međunarodnim manifestacijama“,
- „JU Centar za socijalni rad“: Tranša, subvencija učenicima iz socijalno ugroženih porodica, **izuzetna** jednokratna pomoć za liječenje koje nije pokriveno zdravstvenim osiguranjem“,
- „JU Centar za kulturu: Tranša, projekti iz oblasti kulture i drugo (klizalište i dr.), **izmirenje obaveze prema JP RAD Lukavac, promocija filmskog stvaralaštva kroz kratkometražni i dr. filmove, za teme vezane za mjesta i događaje lokalne i šire društvene zajednice, dramski studio, kulturno-historijsko i prirodno naslijeđe općine Lukavac.**
- „JU RTL: Tranša, dozvola regulatorne agencije“,
- „JU za odgoj i obrazovanje djece predškolskog uzrasta Lukavac: Tranša, obavezan vid **predškolskog obrazovanja u osnovnim školama**“,
- "ORVI "Sinovi Bosne" Lukavac",
- "Organizacija porodica šehida i poginulih boraca, podjela paketa i slično",
- "Organizacija demobilisanih borac, obilježavanje dana Armije BiH i slično",
- "Udruženje dobitnika najviših ratnih priznanja općine Lukavac",
- "Patriotska liga",
- "Udruženje antifašista i boraca NOR-a",
- "Udruženje veterana rata 212/222 Bosanska oslobodilačka brigade",
- "**Udruženje veterana rata 92-95 liječenih od PTSP**",
- "Udruga dragovoljaca i veterana domovinskog rata HVO općine Lukavac",
- "JOB Unija veterana",
- tekući grant JZU Dom Zdravlja Lukavac za poboljšanje zdravstvenih usluga",
- „Ostali tekući transferi - sredstva od vlade Federacije BiH za sanaciju posljedica nastalih usljed proglašene pandemije“,
- „Kapitalni transfer za JU općine Lukavac i Turističku zajednicu općine Lukavac“, **vanjsko uređenje prostora Obdaništa i sl.**
- "Kapitalni grant za javne ustanove na području općine Lukavac (muzička škola i drugo)",
- "**Kapitalni transfer za podršku izgradnje muzeja Armije BiH**",
- "**Podrška zadrugama kroz podsticaj poljoprivrednoj proizvodnji,**

izvršavat će se pojedinačnim odlukama budžetskog korisnika, uz saglasnost Općinskog načelnika, nakon podnošenja zahtjeva nadležnoj Službi.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 29.

Sredstva u okviru potrošačke jedinice 05, pozicija „Podsticaj mladima“, izvršavat će se pojedinačnom odlukom budžetskog korisnika, uz saglasnost Općinskog načelnika.

Dio sredstava iz stava 1 realizuje se putem vijeća mladih i omladinskih organizacija, putem javnog poziva koji objavljuje Služba.

Dio sredstava iz stava 1 za rad vijeca mladih Općine Lukavac, raspoređivat će se na zahtjev korisnika.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 30.

Sredstva u okviru potrošačke jedinice 05, pozicija:

- „Sredstva vladinim i nevladinim organizacijama u kategoriji sporazuma u partnerskim odnosima“,
 - „Transferi neprofitnim organizacijama za sufinansiranje projekata“,
- izvršavat će se pojedinačnim odlukama budžetskog korisnika, uz saglasnost Općinskog načelnika.

Sredstva za aktivnosti iz alineje 1 i 2 doznačavat će se krajnjim korisnicima u skladu sa potpisanim Sporazumom o partnerstvu.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 31.

Sredstva u okviru potrošačke jedinice 05, pozicija:

- „Transferi pojedincima za troškove dženaza boraca i članova uže porodice“,
- „Transferi pojedincima BIZ (izvor TK)“,
- „Transfer dobitnicima najvećih ratnih odlikovanja (izvor TK)“,
- „Troškovi prijevoza boraca i članova njihovih porodica van područja TK (izvor TK)“,
- „Nabavku udžbenika (izvor TK)“,
- „Liječenje boraca i članova njihovih porodica (izvor TK)“,
- „Rješavanje stambenih potreba boračke populacije i rad komisije (izvor TK)“,

izvršavat će se pojedinačnim odlukama budžetskog korisnika, uz saglasnost Općinskog načelnika, prenosom na tekuće račune korisnika, na osnovu rješenja nadležnog Ministarstva za boračka pitanja TK i u skladu sa Zakonom o dopunskim pravima boraca i članova njihovih porodica i rješenjem **Službe za društvene djelatnosti i upravu**.

Član 32.

Sredstva u okviru potrošačke jedinice 05, pozicija:

- „Transferi pojedincima-Naknade za porodilje po rođenju djeteta“,
- „Transferi pojedincima za sufinansiranje troškova medicinski potpomognute oplodnje“,
- „Transferi pojedincima za subvencioniranje kakamte za stambeno zbrinjavanje mladih“

izvršavat će se pojedinačnim odlukama budžetskog korisnika uz saglasnost Općinskog načelnika, a na osnovu javnog poziva u skladu sa pravilnikom.

Sredstva u okviru potrošačke jedinice 05, pozicija – „Troškovi priključka zgrade socijalnog stanovanja (grijanje, vodovod i kanalizacija i dr.) izvršavat će se pojedinačnim odlukama budžetskog korisnika uz saglasnost Općinskog načelnika.

Sredstva u okviru potrošačke jedinice 05, pozicija – „Nabavka namještaja za zgradu socijalnog stanovanja“ izvršavat će se u skladu sa Zakonom o javnim nabavkama.

Sredstva u okviru potrošačke jedinice 05, pozicija – „Nabavka opreme“ izvršavat će se u skladu sa Zakonom o javnim nabavkama.

Sredstva u okviru potrošačke jedinice 05, pozicija -„Transferi pojedincima za sufinansiranje najamnine za korištenje stanova po modelu neprofitno-socijalnog stanovanja“ izvršavat će se pojedinačnim odlukama budžetskog korisnika uz saglasnost Općinskog načelnika.

Član 33.

Sredstva u okviru potrošačke jedinice 05, pozicija „Vanredni projekti za nevladin sektor“ izvršavat će se pojedinačnim odlukama budžetskog korisnika uz saglasnost Općinskog načelnika, a na osnovu odluke o kriterijima za vanredne projekte.

Član 34.

Sredstva u okviru potrošačke jedinice 05, pozicija:

-“Transferi za liječenje boračke populacije”,
-“Transferi za rješavanje stambene problematike boračke populacije”,
-“Sufinansiranje izgradnje, rekonstrukcije i sanacije stambenih objekata lica u stanju socijalne potrebe”,
izvršavat će se pojedinačnim odlukama budžetskog korisnika, uz saglasnost Općinskog načelnika, a na osnovu raspisanog javnog konkursa, u skladu sa Pravilnikom.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 35.

Sredstva u okviru potrošačke jedinice 05, pozicije:

-“Transfer za **mjesne zajednice-tranša**”

Transfer će nadležna služba utvrditi na osnovu materijalnih troškova, te broja stanovnika utvrđenog popisom iz 2013. godine.
izvršavat će se pojedinačnim odlukama budžetskog korisnika, uz saglasnost Općinskog načelnika.

Sredstva iz alineje 1. izvršavat će se prenosom na žiro račune mjesnih zajednica. Visinu mjesečnog iznosa utvrdit će budžetski korisnik posebnom odlukom, uz saglasnost Općinskog načelnika.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 36.

Sredstva u okviru potrošačke jedinice 05, pozicije:

- “Tekući transfer za **Medžlis IVZ, Islamska vjerska zajednica-Izgradnja i rekonstrukcija vjerskih objekata, nabavka opreme, održavanje i sl**”,

- “Tekući transfer za **Katoličku crkvu, Katolička crkva-izgradnja i rekonstrukcija vjerskih objekata, nabavka opreme, održavanje i sl**”.

- “Tekući transfer za **Pravoslavnu crkvu, Pravoslavna crkva: Izgradnja i rekonstrukcija vjerskih objekata, nabavka opreme, održavanje i sl**” ,

izvršavat će se pojedinačnim odlukama budžetskog korisnika, uz saglasnost Općinskog načelnika, uz podnošenje zahtjeva nadležnoj Službi, sa specificiranom namjenom utroška.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 37.

Sredstva u okviru potrošačke jedinice 06, pozicije:

-“Projekti podrške održivom povratku u tekućoj godini kroz obnovu stambenog fonda, elektrifikaciju, poboljšanje uslova stanovanja i slično, putem javnog poziva”,
-“Infrastrukturni objekti i oprema po mjesnim zajednicama, javnim ustanovama, ambulantomama, udruženjima građana”,
- “Subvencija za poboljšanje energijske efikasnosti i ekoloških uslova na stambenim zgradama isl”, izvršavat će se pojedinačnim odlukama budžetskog korisnika, uz saglasnost Općinskog načelnika, a na osnovu raspisanog javnog poziva.

Sredstva iz alineje 1 i 2 dodjeljuju se u skladu sa posebnim kriterijima utvrđenim odlukom općinskog načelnika, odabirom koji je izvršila nadležna komisija na račune korisnika sredstava. Sredstva iz alineje 3 u dijelu koji se odnosi na radove, provode se u skladu sa Zakonom o javnim nabavkama i drugim relevantnim propisima.

-,“Kapitalni grant za izgradnju Općinskog suda u Lukavcu“ i “Kapitalni transfer JU Dom Zdravlja Lukavac”, izvršavat će se pojedinačnim odlukama budžetskog korisnika, uz saglasnost Općinskog načelnika.

Član 38.

Sredstva u okviru potrošačke jedinice 06, pozicija „Izmirenje obaveza po osnovu kapitalnih ulaganja iz ranijeg perioda“, izvršavat će se na osnovu potpisanih sporazuma od strane Općinskog pravobranilaštva, uz pribavljenu saglasnost Općinskog načelnika i odlukom budžetskog korisnika, uz saglasnost Općinskog načelnika.

Radovi započeti u prethodnim godinama koji nisu realizovani u planiranom ugovorenom obimu zbog isteka građevinske sezone, kao i ostali ugovori potpisani a nisu realizovani u 2021.godini, nastaviti će se u 2022.godini.

Član 39.

Sredstva u okviru potrošačke jedinice 05 pozicije:

- “Podsticaj poljoprivrednoj proizvodnji”,
- “Kapitalni transfer pojedincima u poljoprivrednoj proizvodnji”,
- “Kapitalni transfer privatnim preduzećima i preduzetnicima u poljoprivrednoj proizvodnji”,
izvršavat će se pojedinačnim odlukama budžetskog korisnika, uz saglasnost Općinskog načelnika, uz prethodno provođenje javnog poziva u skladu sa važećim Pravilnikom”.

Sredstva u okviru potrošačke jedinice 05 pozicija „Poticaj zapošljavanju fizičkim licima koji prvi puta registruju djelatnost u tekućoj godini kroz subvencioniranje troškova doprinosa penzionog osiguranja“, rasporediti će se odlukom budžetskog korisnika uz saglasnost Općinskog načelnika, uz prethodni javni poziv, u skladu sa posebnim kriterijima.

Sredstva u okviru potrošačke jedinice 05 pozicije:

-“Protivgradne rakete 72 komada (12 raketa po jednoj protivgradnoj stanici)”,
-“Usluge protivgradne zaštite za JP Protivgradna preventiva RS" a.d. Gradiška (šest protivgradnih stanica po 5.738KM)“,
-“Tehničko tehnološki projekt uređenja i zaštite poljoprivrednog na području KO Milino Selo ,KO Brijesnica Donja (I faza)”,
-“ Izrada i odobravanje projekata i projektnih zadataka iz oblasti poljoprivrede”,
Izvršavat će se u skladu sa Zakonom o javnim nabavkama.

Član 40.

Sredstva u okviru potrošačke jedinice 06 pozicija „ Intervencije iz oblasti ekologije: čišćenje divljih deponija, zaštita rijeka i dr.“, rasporediti će se pojedinačnom odlukom budžetskog korisnika, uz saglasnost Općinskog načelnika krajnjim korisnicima sredstava, a na osnovu otvorenog javnog poziva.

Član 41.

Sredstva u okviru potrošačke jedinice 07 pozicija „Rješavanje imovinskih odnosa za zemljište za projekat fabrike pitke vode“ i „Rješavanje ostalih imovinskih odnosa“, izvršavat će se rješavanjem imovinsko pravnih odnosa, u postupka eksproprijacije, a nakon provedene zakonom propisane procedure, odlukom budžetskog korisnika, uz saglasnost Općinskog načelnika, prenosom na račune korisnika sredstava.

Sredstva u okviru potrošačke jedinice 04, 07, 11 pozicij:

-„Stručne usluge (vještačenje, računovodstvene, revizorske, pravne softverske i dr)“,
-, Izdaci za pokriće obaveza iz ranijih godina po osnovu tekućih izdataka“,
isplaćivat će se odlukom budžetskog korisnika, uz saglasnost Općinskog načelnika.

Član 42.

Sredstva u okviru potrošačke jedinice 09 pozicije koje se finansiraju u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća, finansira se iz namjenskih sredstava prikupljenih u fiskalnoj godini po osnovu posebne naknade za zaštitu od prirodnih i drugih nesreća, a izvršavat će se u skladu sa Zakonom o javnim nabavkama.

Sredstva u okviru potrošačke jedinice 09 pozicije:

-„Faza saniranja posljedica uzrokovanih prirodnim i dr. nesrećom na području općine Lukavac“,
-,Sufinansiranje projekta integrisane socio-ekonomske podrške žrtvama mina“,
-,Sufinansiranje projekata zaštite okoliša“,
-,Sufinansiranje protivminskih aktivnosti“,
-,Preventivna zaštita od epifitija i epizootija životinja (antraks, bjesnilo i dr. zarazne bolesti)“,
-,Kapitalni transferi pojedincima za otklanjanje šteta uzrokovanih prirodnom nesrećom po Odluci Vlade TK iz 2014 (na iznos 37.500 KM po stambenom objektu)“,
rasporedit će se pojedinačnim odlukama budžetskog korisnika, uz saglasnost Općinskog načelnika.

Sredstva za aktivnosti iz alineje 1 dodjeljuju se krajnjim korisnicima putem javnog poziva.

Sredstva iz alineje 2, 3, i 4 doznačavat će se krajnjim korisnicima u skladu sa potpisanim Sporazumom sa međunarodnim organizacijama i domaćim neprofitnim organizacijama.

Sredstva iz alineje 5 dodjeljuju se Veterinarskoj stanici Lukavac u skladu sa definisanim količinama i cijenama usvojenim od strane općinskog vijeća Lukavac.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 43.

Sredstva u okviru potrošačke jedinice 09 pozicija “Rekonstrukcija skloništa“ izvršavat će se u skladu sa članom 12 ove Odluke.

Član 44.

Akumulirana, a neutrošena sredstva iz prethodnih godina, sredstva prikupljena u tekućoj godini, kao i sredstva doznačena od viših nivoa vlasti, raspoređivat će se po godišnjem planu korištenja sredstava posebne naknade za zaštitu i spašavanje od prirodnih i drugih nesreća, u skladu sa odlukama viših nivoa vlasti, u kojima je definisana namjena doznačenih sredstava.

Član 45.

U slučaju nedovoljnog priliva izvornih prihoda i primitaka za finansiranje tekućih izdataka, odlukom Općinskog načelnika privremeno se mogu koristiti i prilivi od namjenskih sredstava iz člana 41, 42. ove Odluke, s tim da se njihov povrat izvrši najkasnije do kraja fiskalne godine.

Član 46.

Sredstva u okviru potrošačke jedinice 03, pozicija "Izdaci za osiguranje volontera za slučaj ozljede na radu i profesionalne bolesti" i pozicija "Izdaci za volonterski rad po programu

dugotrajnog volontiranja“, izvršavat će se po osnovu Ugovora o volonterskom radu, internih akata kojima se uređuje volontiranje, kao i pojedinačnim odlukama budžetskog korisnika, uz saglasnost Općinskog načelnika.

Sredstva u okviru potrošačke jedinice 03, pozicija „Izdaci za pokriće obaveza iz ranijih godina po osnovu tekućih izdataka (deficit iz prethodnih godina)“, izvršavat će se odlukom budžetskog korisnika uz saglasnost Općinskog načelnika.

Član 47.

Sredstva u okviru potrošačke jedinice 03, pozicija „Transfer institucijama i drugim subjektima za prijem volontera“ izvršavat će se na osnovu internih akata kojima se uređuje volontiranje i prenosom sredstava zainteresovanim institucijama i drugim pravnim licima sa kojima je potpisan Ugovor o prijemu volontera za odrađivanje volonterskog rada, kao i pojedinačnim odlukama budžetskog korisnika uz saglasnost Općinskog načelnika.

Član 48.

Sredstva u okviru potrošačke jedinice 08, pozicije:

-„Subvencija JP Veterinarska stanica Lukavac u skladu sa Zakonom o zaštiti i dobrobiti životinja“,

-„Subvencija javnom preduzeću za saobraćaj i komunikaciju“,

-„Subvencija javnom preduzeću za vodovod i kanalizaciju“,

-„Subvencija za prevoz putnika“,

-„Subvencija JP "Rad" Lukavac za finansiranje razvoja i unapređenja komunalnih djelatnosti“,

-„Subvencija JP "Rad" Lukavac za učešće u intervencijama sanacije objekata komunalne infrastrukture“,

-„Subvencija za nabavku tezgi unutar gradske tržnice“,

-„Kapitalni transfer javnim preduzećima“ raspoređivat će se pojedinačnim odlukama budžetskog korisnika, uz saglasnost Općinskog načelnika.

Sredstva za aktivnosti iz alineja 1. 5. 6. realizovat će se na osnovu programa utroška sredstava, uz potpisivanje sporazuma.

Sredstva za aktivnosti iz alineja 4. i 7. realizovat će se na osnovu javnog poziva, uz potpisivanje ugovora.

-„Tekući transfer javnim preduzećima“ raspoređivat će se pojedinačnim odlukama budžetskog korisnika, uz saglasnost Općinskog načelnika.

Korisnici sredstava su dužni nadležnoj Službi dostaviti izvještaj o utrošku sredstava na obrascima koje utvrdi nadležna Služba.

Član 49.

Sredstva u okviru potrošačke jedinice 11, pozicija „Zatezne kamate i troškovi spora“ (rezervisanja po Zakonu o izvršnom postupku)“, izvršavat će se zapljenom novčanih sredstava na osnovu sudskih izvršnih rješenja, a Služba za budžet i finansije će obavještavati banku o planiranom iznosu sredstava za navedene namjene u skladu sa planiranom dinamikom raspoloživih sredstava na mjesečnom nivou.

Sredstva u okviru potrošačke jedinice 11, pozicija „Izdaci za sudske i vansudske nagodbe“ izvršavat će se na osnovu potpisanih sporazuma ili emitovanih odluka od strane Općinskog pravobranilaštva, a sve uz pribavljenu saglasnost Općinskog načelnika.

Član 50.

Sredstva u okviru potrošačke jedinice 11, pozicija "Usluge vještačenja" i „Ostale usluge“, izvršavat će se pojedinačnim odlukama budžetskog korisnika uz saglasnost Općinskog načelnika.

Član 51.

Sredstva tekuće rezerve planirana u Budžetu, koriste se za nepredviđene namjene za koje objektivno nisu predviđena ili su sredstva nedovoljno planirana.

Sredstva tekuće rezerve ne mogu prelaziti iznos od 3% ukupnih prihoda, isključujući namjenske prihode, vlastite prihode i primitke.

Sredstva tekuće rezerve ne mogu se koristiti za pozajmice.

Korištenje ovih sredstava odobrava Općinski načelnik.

Općinski načelnik, izvještaj o utrošku tekuće rezerve, dostavlja Općinskom vijeću kao prilog izvještaju o izvršenju budžeta Općine Lukavac u skladu sa planom i programom rada Općinskog vijeća.

Član 52.

Za izvršenje Budžeta odgovoran je Općinski načelnik, a pomoćnici Općinskog načelnika kao rukovodioci budžetskog korisnika odgovorni su u skladu sa zakonskim ovlaštenjima i odgovornostima i potpisanom izjavom o fiskalnoj odgovornosti.

III ZADUŽIVANJE

Član 53.

Ovlašćuje se Općinski načelnik, da pod uvjetima i obimu propisanim Zakonom kojim se uređuje dug, zaduživanje i garancije u Federaciji može davati jemstva javnim preduzećima i drugim pravnim licima kojima je osnivač Općinsko vijeće Lukavac u skladu sa odlukama Općinskog vijeća, uz zakonska sredstva obezbjeđenja za namirenje jemstva.

Ugovore o zaduživanju Budžeta i izdavanju jemstva potpisuje Općinski načelnik.

IV IZVJEŠTAVANJE I REVIZIJA

Član 54.

Služba za budžet i finansije je dužna dostavljati Općinskom načelniku, a Općinski načelnik dostavlja Općinskom vijeću Izvještaj o ostvarivanju prihoda i primitaka i izvršenju rashoda i izdataka predviđenih Budžetom, u skladu sa Zakonom o Budžetima FBiH i programom rada Općinskog vijeća.

Izvještaj iz prethodnog stava mora sadržavati:

- prikaz fiskalnog stanja,
- uporedni prikaz planiranih i ostvarenih prihoda, izdataka, manjkova i zaduživanja i objašnjenje eventualnih razlika,
- podatke o korištenju budžetske rezerve i datim jemstvima,
- prijedlog mjera za poboljšanje stanja.

Član 55.

Služba za budžet i finansije, dužna je izvjestiti Općinskog načelnika o izvršenju Budžeta za prethodnu godinu najkasnije do 31. marta naredne godine.

Općinski načelnik podnosi Općinskom vijeću izvještaj o izvršenju Budžeta Općine za prethodnu godinu najkasnije do 30. aprila naredne godine.

Sadržaj izvještaja iz stave 2 ovog člana treba, u skladu sa klasifikacijama računa Budžeta, sadržati sljedeće:

- prihode i rashode za fiskalnu godinu,
- ostvarene prihode i rashode tokom godine, koji su prikazani tako, da se može jasno vidjeti razlika između odobrenog Budžeta i njegovog ostvarenja,
- početno i završno stanje Budžeta,
- početno i završno stanje imovine, potraživanja, obaveza i izvora vlasništva,

- objašnjenje većih odstupanja,
- podatke o svim poslovima zaduživanja i upravljanju dugom,
- podatke o korištenju budžetske rezerve, te o jemstvima datim tokom fiskalne godine.

Općinski načelnik može u skladu sa članom 15. Zakona o principima lokalne samouprave, da donese propise, kojima će bliže regulisati način korišćenja budžetskih sredstava i izvršenja pojedinih pozicija Budžeta za 2021. godinu.

Kako bi se osiguralo izvršavanje aktivnosti u okviru osnovne djelatnosti, Općina će urediti sistem finansijske unutarnje kontrole i interne revizije, u skladu sa zakonom.

Član 56.

Ova Odluka stupa na snagu danom objavljivanja u Službenom glasniku općine Lukavac, a primjenjivat će se za budžetsku 2022.godinu.